


S **LO**
Afl. 1.25

BRIYANDO FUERTE • TRECIENDO CLARIDAD
DIAMARS 28 JANUARI 2025


Di Pueblo

E lucha di Betico Croes pa nos Status
Aparte

**BETICO A CONSTRUI E CAS CU
YAMA PAIS ARUBA PA NOS NOS
BIBA DEN DJE, CUID'E Y STIM'E**



WWW.SOLODIPUEBLO.COM



SOLODIPUEBLO@GMAIL.COM

ARUBA SU ECONOMIA LO SIGUI CRECE DEN 2025



E welo a wordo condena
**NIETO A BATI SU WELO CU A ABUSA DI DJE
CU BATE DI BASEBALL**

PERSONA A DAL ABAO Y A FAYECE NA PALM PIER



Aruba, 27 di januari, 2025

Prome Minister

Evelyn Wever-Croes

den nomber di Gobierno di Aruba,

ta extende palabranan

di profundo condolencia na

Minister Xiomara Maduro

y demas famia

cu fayecimento di

SEÑORA ANTONIA MADURO-RAS

Miho conoci como Chida

Mama di Minister Xiomara

* 9 jan 1939 - † 27 januari, 2025

...

Cu Chida sosega na paz.




Gabinete Wever - Croes II


AWA
MINI
MEGA
MEGA PLUS

Awo cu 2 florin mas, bo por gana e **MEGA PLUS**
* Afl. **1.250.000,-**
* Afl. 800.000,- + Afl. 450.000,-
extra

Benta ta sera 7:30 pm y sorteo ta hunga 7:45 pm



HUNGA AWO



Prome Minister Evelyn Wever-Croes:

E lucha di Betico Croes pa nos Status Aparte

BETICO A CONSTRUI E CAS CU YAMA PAIS ARUBA PA NOS NOS BIBA DEN DJE, CUID'E Y STIM'E



ORANJESTAD—Diasabra 25 di januari, Aruba a celebra e fecha natalicio di un gran Arubiano, estadista y Libertador Gilberto François (Betico) Croes, cu lo a cumpli 87 aña. Gobierno di Aruba, manera ta costumber, hunto cu Comision Celebracion Dianan Nacional, aduna homenahe na e gran Arubiano aki den un forma solemne durante Ceremonia Protocolar na Plaza Libertador G.F. Betico Croes. Na e ocasion, Prome Minister Evelyn Wever-Croes a duna un discurso comparando e lucha di Betico pa nos Status Aparte cu e construccion di e cas cu yama pais Aruba.

“Betico a nace dia 25 di januari 1938 den e pueblo di Santa Cruz, den un hogar humilde caminda semper tabata reina amor, disciplina, compasion y union familiar. Maestro tabata su profesion, pero bida a haci’e dirigente di su pueblo, y destino a haci cu el a bira un luchador cu a rebiba y realisa e causa di e pueblo Arubano pa su

libertad.

Sin duda cu e trayectoria di Betico Croes como politico tabata impresionante. E stimacion cu el a demostra pa su isla natal, e lucha tenaz cu el hiba pa logra e deseo di e pueblo Arubano, y tur e sacrificionan personal y familiar cu el a haci, pa logra e anhelo di nos pueblo: esta un Aruba autonomo den Reino Hulandes.

Un di e dichonan di Betico ta “e felicidad cu mi ta desea pa mi propio yiunan ta e felicidad cu mi ta desea pa henter e pueblo di Aruba”. Y ta esey mes el a haci, el a converti e lucha den e felicidad di nos pueblo.

Historicamente e anhelo pa libertad a biba pa decadanan largo den curason di tur Arubiano. Lidernan politico grandi prome cu Betico a hiba e lucha. Aki mi ta referi na Henny Eman conoci como Henny biew, Juancho Irausquin, y Shon A Eman. Cada un di e lidernan politico aki, tin nan contribucion na e lucha pa nos Status Aparte, y nan

contribucion cu awe Aruba ta un pais pionero den nos region. Y nos mester semper reconoce y recorda e contribucionnan aki.

Mescos nos mester reconoce no solamente e contribucion di Betico Croes, pero tambe e gran logro di Betico Croes, nos Status Aparte. Y mas cu tur cos, su lealtad na e deseo di nos pueblo, te na final.

Ora Betico a bolbe di su estudio na Hulanda den fin di añanan 60, el a realisa cu den pueblo ta biba un anhelo pa su libertad. Un lucha pa libertad cu e lidernan politico prome cu ne berdaderamente a cuminsa cu ne, pero a bandona den añanan 40.

Hopi biaha mi ta compara e lucha pa nos Status Aparte cu construccion di e cas cu yama pais Aruba. Den añanan 70 Betico a topa cu un fundeshi cu a wordo cuminsa y bandona den añanan 40, y den hopi mal estado. El a drecha e fundeshi, el a caba cu e fundeshi, lanta e murayanan di e cas, e



ringbalk, dak, y despues di a pone porta cu bentana, a entrega NOS e yabi, pa nos biba den e cas cu yama pais Aruba. Lamentablemente algun ora prome cu nos por a drenta den e cas, el a haya un accidente y despues di 11 luna den coma, a fayece. E mes no por a biba den e cas cu el a construi pa nos. Y ta p’esey nos mester cuida e cas aki, y stima e cas aki, cu yama pais Aruba, pasobra nos sa cu e lucha cu Betico Croes a hiba pa Aruba su Status Aparte no a bay facil y no a bay sin sacrificio. Un dicho cu Betico semper a vocifera tabata cu “No tin lucha sin sacrificio y no tin sacrificio sin gloria”. Y e logro di e lucha y sacrificio tawata Aruba su Status Aparte”.

Na final di su discurso, Prome Minister a gradici

Comision Celebracion Dianan Nacional y colega Minister di Cultura Xiomara Maduro, pa e bunita Manifestacion Cultural di diabierna anochi y e Ceremonia Protocolar diasabra mainta, na tur artista, agrupacionnan musical, y tur cu a conmemora e dia importante aki.

“Ban hisa nos bandera y demostra nos orguyo, e orguyo cu nos pida baranca Aruba, un pais chikito riba e mapa mundial, a conoce un Lider manera Betico Croes. Feliz Dia di Betico y Cu TodoPoderoso Drama su bendicion riba nos pueblo y cu providencia sigui inspira nos pueblo pa asina nos hiba nos pueblo den e berdadero felicidad”, Prome Minister a termina expresando.

Minister Geoffrey Wever: ARUBA SU ECONOMIA LO SIGUI CRECE DEN 2025



Recientemente Minister Geoffrey Wever a ricibi un update di e proyeccion economico pa 2024 y 2025 di Departamento di Asuntonan Economico, Comercio y Industria (DEACI). E update aki ta representa un ahustacion di e Economic Outlook 2024- 2025 publica den april 2024 y ta basa riba ultimo informacion disponibel di nos economia.

Segun e ultimo Economic Outlook 2024- 2025, DEACI ta premira cu pa 2024 economia lo a crece cu 6.7 porciento nominal pa yega na un balor di e producto interno bruto, e indicador pa midi actividad economico, di 7.1 miljard florin.

Pa 2025 e expectativa ta positivo pa Aruba su economia. DEACI ta premira un crecimiento nominal di 3.9 porciento den 2025 cu e producto interno bruto di 7.3 miljard florin.

E expansion di actividadnan economico pa 2024 y 2025 ta basa riba crecimiento di nos industria turistico y crecimiento di consumo y inversion priva. Esaki ta demonstra confianza den nos isla como destinacion turistico y pa inversion. E revision di proyeccion di crecimiento di economia di Aruba ta den liña cu e proyeccion di Banco Central di Aruba y Fondo Monetario International. Banco Central di Aruba ta premira un crecimiento

economico den 2024 y 2025 di respectivamente 10.0 porciento y 2.1 porciento den termino nominal.

Pa facilita proyeccion di e economia di Aruba, DEACI ta haci uzo di e modelo macro-economico MARUBA. E modelo MARUBA ta basa riba e Cuentanan Anual di Pais Aruba publica pa CBS y ta refleha e funcionamiento

di e economia di Aruba. Maneho di e modelo MARUBA ta cay bao responsabilidad di DEACI. E proyeccionnan economico ta posibel danki na e dialogo continuo cu diferente instancianan y expertonan local, y a base di analisis di diferente desaroyo.

Ministerio di Asuntonan Economico, Comunicacion y Desaroyo Sostenibel

conhuntamento cu Departamento di Asuntonan Economico, Comercio y Industria lo sigui monitor desaroyo di economia di Aruba.

Minister Geoffrey Wever kier gradici directora Maria Dijkhoff- Pita y e afdeling Economisch Beleid en Onderzoek cu ta haci e economic outlook posibel.



STATEN VAN ARUBA

**OPENBARE BIJEENKOMST OP 30 JANUARI 2025 OM
09:00 UUR V.M. IN DE VERGADERZAAL VAN DE STATEN VAN ARUBA**

TE BEHANDELEN ONDERWERP

Agenda:

Toelichting door de Minister-President, mw. mr. E.C. Wever-Croes over de stand van zaken aangaande de Rijkswet Aruba Financieel Toezicht.

De Griffier,

mr.drs. Herman Ch. J. Hek



NoticiadiCorte

E welo a wordo condena

NIETO A BATI SU WELO CU A ABUSA DI DJE CU BATE DI BASEBALL-1-

Corte di Husticia a trata e caso penal cu Ministerio Publico a cuminsa contra e homber Y. (72). E homber Y. a wordo haya culpabel di a haci actonan immoral cu su nieto y a wordo condena na 18 luna di prison.

SOLO DI PUEBLO por a compronde cu e victima, e hoben S., a bati su welo cu bati di baseball, ora cu el a lanta for di soño y haya su welo drumi riba dje.

Den sala di Corte tabata presente e victima hoben S., acompaña pa su madasta. Fiscal a acusa Y. di a abusa sexual di su nieto S. riba 2 Juni 2024. Fiscal a sigui bisa cu, subsidiario e ta acusa Y. di a haci actonan immoral cu S.

DEMANDA DI DAÑO

Ta asina cu S. a haci demanda di daño di 50 mil florin total, cu ta encera daño emocional, trauma, perdida di trabao. E madastra a splica Hues riba e demanda di daño ya cu S. no kier a papia.

WELO A ABUSA DI NIETO

Hues a cuminsa puntra Y. si ta berdad cu el a abusa di su nieto riba 2 Juni 2024. Y. a bisa cu no ta berdad. El a bisa cu e tabata inconciente y no sa si algo a pasa. El a bisa cu ora e bebe alcohol, sa pasa cu e ta perde conocimiento kico e ta haci. El a bisa cu ora el a bin bei, el a ripara cu S. a maltrat'e cu un bate di baseball. Hues a muestra cu S. a declara cu ora e tabata na soño

y ora el a spierta, el a haya Y. drumi riba dje. Segun S., Y. a subi riba dje y baha su carson y pone su parti intimo mey mey di S. su bilnan. Y. tabata sacudi cabez y a bisa Hues cu e no sa di nada. Segun Y., el a pidi pa haci DNA. Hues a bisa cu a haci investigacion forence cu ta muestra cu Y. a satisfase su mes riba su nieto. Y. a bisa Hues cu el a pidi pa haci test di DNA.

Hues a remarca cu no ta promer biaha. Na 2013 caba Y. a wordo condena pa a abusa di su nieto S. El a wordo condena na 2 aña di prison. Segun Y., e no a haci nada y inhusto el a wordo condena. Hues a remarca cu e Hues e tempo ey si a haya Y. culpable.

PEDOFIL?

Hues a bisa cu psicologo a evalua Y. y psicologo ta haya cu Y. tin tendencia pedofile pero no por segura esey pasobra Y. ta nenga tur cos. Hues a remarca cu Y. ta bisa cu e no ta busca relacion cu mucha homber jong pero ta un hecho cu el a haci'e. Y. a reacciona cu e no ta abusa di un mucha y tampoco di un hoben homber. Hues a muestra cu tin raport di Reclasering cu tambe ta muestra cu Y. tin tendencia pedofile. E raport di Reclasering ta muestra cu tin miedo cu Y. ta bolbe ripiti mirando cu el a haci'e un biaha caba. Tanto psicologo como Reclasering ta haya cu Y. mester haya tratamento.

Den sala di Corte tabata presente un miembro


di Reclasering y riba peticion di Hues, el a duna su punto di bista. E miembro di Reclasering a bisa cu awor e ta tende cu Y. tin problema cu alcohol tambe. E ta haya cu Y. mester haya tratamento.

Ta asina cu Y. a bay di acuerdo pa haya tratamento mirando kico e raportnan ta bisa. Hues a puntra si e tratamento mester ta obligatorio. E trahador di Reclasering a bisa cu no tin un instituto pa Y. haya tratamento pero den e caso aki, e ta hopi importante pa Y. haya tratamento di psicologo. Reclasering tin psicologo y e tratamento lo ta cu Y. mester presenta tur biaha pa tratamento. E ta haya cu Y. mester di guia intensivo pa mira con e relacion den famia lo sigui.


VICTIMA NO KIER SA NADA MAS DI WELO S. hunto cu su madastra, compaña pa un miembro di CEA, a bay para tras di un mesa cu un mike pa asina S. por expresa su mes. S. a remarca na Hues cu Y. ta bisa cu e no sa di nada pero e sa masha bon kico a pasa! S. a bisa Hues cu e caso aki a afect'e masha hopi. E ta den trauma, no por focus hopi bon mas. S. a bisa cu e no kier sa mas di Y. E madastra a bisa Hues cu S. ta hopi emocional y ta bebe hopi door di e trauma cu el a sufri. El a bisa cu e mama di S. ta hopi afecta y no por a presenta den Corte.

continuacion pag. 6

NISSAN MARCH A BOLTER NA ROTONDE PONTON RIBA E.J."WATTY" VOS BLVD.



Dialuna madrugada a drenta informe di un accidente na rotonde Ponton riba E.J."Watty" Vos Blvd., mesora a dirigi un patruya na e sitio. Na yegada di e patruya a bin compronde cu aki ta trata di un Nissan March biniendo for di nort cu velocidad halto dal na e rand di e rotonde y bolter. Polis a atende cu e chauffeur cu a declara cu un auto a sali su dilanti pero esey no ta haci diferencia polis a duna e chauffeur un boet.



KVK A TENE SU KICK OFF MIXER Y MEET THE BOARD 2025

Oranjestad – Camara di Comercio y Industria Aruba (KvK) a organisa su prome evento pa aña 2025, diahuebs 23 di januari. Manera ta custumber, na comienso di aña, KvK ta organisa un evento caminda invitadonan, tanto di sector priva como tambe di sector publico, ta bini hunto pa socialisa y na mesun momento por cera conoci cu e directiva nobo di KvK. KvK ta haya importante pa socialisa y mantene contacto cu stakeholders di sector priva y tambe sector publico y alabes probecha e momento pa gradici un y tur pa e bon comunicacion y cooperacion ricibi durante e aña cu ta tras di lomba.

Manera ta custumber, e Presidente eligi ta comparti algun palabra cu e publico, y un biaha mas a toca turno na Sr. Diederik Kemmerling, Presidente ya pa dos aña consecutivo, cu a gradici tur presente

pa atende e evento y a comparti su vision y punto di bista di con e lo percura pa hiba maneho durante su temporada como Presidente hunto cu e demas miembronan di directiva. Durante su speech, sr Kemmerling a presenta e Plan Strategico 2025 di KvK cu tin un vision cla y enfoca riba e futuro. E prioridadnan den e Plan Strategico ta inclui boga pa un ambiente di negoshi mas faborabel y representa e comerciantenan den retonan, facilita oportunidadnan di networking pa comerciantenan, sostiene y stimula hobennan empresario, colecta y analisa datonan riba e retonan den comercio, y desaroya conexion mas solido cu gobierno y otro stakeholdernan.

Siendo e organizacion y cuerpo representativo di comercio na Aruba, KvK continuamente ta percura pa fortalece laso cu sector

comercial, brindando e apoyo necesario tanto na startups como tambe na negoshinan existente. Pa logra esaki ta sumamente importante pa traha conhuntamente cu partners relevante y mantene e contacto y bon relacion.

Banda di e tareanan asigna pa ehecuta, KvK lo sigui duna importancia na brinda informacion y guia na su clientenan, entre otro pa medio di organizacion di varios sesion informativo y educativo riba topiconan relevante cu ta mantene e empresario al tanto di aspectonan cu ta importante den e area di business.

Por ultimo, Sr. Kemmerling a comenta cu lo sigui eleva negoshinan local pa medio di trainingnan, comprondiendo e desafionan den comercio (e.o. impuesto y empleo), y colaboracion internacional y misionnan comercial.



Alabes lo eleva e conexion cu gobierno pa medio di brainstorm, discuti y duna consejo riba desafionan den comercio.

KvK ta contento cu e Kick Off Mixer y Meet the Board 2025 tabata un exito y ta gradici tur su invitadonan pa nan presencia, y ta

spera cu e aña aki KvK lo por organisa mas evento, reunionnan, training y charla pa comercio pa asina por ta mas cerca di e comerciantenan pa por haya nan feedback y asina tin un bista mas amplio di e retonan, preocupacionnan y deseonan cu ta reina den sector priva.

EMBAHADOR DI CANADA A BISHITA MINISTER THIJSSEN

Den Haag – Embahador di Canada pa Reino Hulandes Hugh Adsett a haci un bishita di cortesia cerca Minister Plenipotenciario demisionario mr. Ady Thijsen.

Durante di e bishita den oficina di Minister Thijsen a combersa riba e relacion entre Canada

y Aruba por ehempel riba tereno di turismo. Tambe a papia riba e oportunidad di estudio na Universidadnan di Canada pa studiantenan Arubiano y riba Canadesnan bibando na Aruba.

Un otro topico interesante cu e mandatario y embahador Adsett a papia riba dje ta e desaroyonan

riba cambio di clima. Por ultimo embahador Adsett a bisa cu gustosamente e ta desea di haci un bishita di trabao na Aruba.

Embahador Adsett a probecha di su bishita na Gabinete di Aruba pa a firma e registro di condolencia pa ex-Prome



Minister Henny Eman.

potretnan ta cortesia di Arubahuis

Nota pa redaccion: E

E welo a wordo condena NIETO A BATI SU WELO CU A ABUSA DI DJE CU BATE DI BASEBALL-2-

FISCAL A EXIGI 18 LUNA Fiscal a bisa Hues cu 2 Juni 2024, Polis a bay na un cas pa un problema familiar. Eynan, Polis a topa cu Y. cu man sangra y cu e tabata bou influencia. Y. a bisa cu e tabatin problema cu S. S. mes no tabata presente. Mas laat, S. a presenta na Polis cu su mama. S. a bisa cu e tabata drumi cu carson largo bisti. Na dado momento el a spierta ora cu su amiga a yam'e na celular. El a sinti hende riba dje y a mira cu ta Y. y S. su carson tabata baha. E momento ey S. a rabia asina hopi cu el a coy un bate di baseball y maltrata Y. cu esaki. Fiscal ta haya cu e declaracion di S. ta suficiente y tin prueba di sosten. El a muestra cu na 2013 caba Y. a abusa di S. E tempo ey S. tabata menor di edad. Riparabel ta, cu e mesun manera S. a wordo abusa. Fiscal a muestra cu e tempo ey den e sentencia, ta muestra cu Y. tabata bou influencia di alcohol y cu Y. tabata mishu cu S. E tata di S. a bisa cu el a mira su yiu yega cas riba brommer coriendo duro, sin flanel. El a mira S. hopi emocional y S. a bisa su tata cu el a bolbe sosode. E mama tambe a bisa mesun cos. Fiscal a bisa cu for di investigacion no ta sali na cla cu tabatin penetracion y pesey mester declara Y. liber di abuso sexual. Si Fiscal ta haya Y. culpable di a

haci actonan immoral cu S. Fiscal ta haya cu Y. a tacha integridad di S. Fiscal ta tuma Y. na malo cu a abusa di e situacion.

Fiscal a bisa Hues cu por a scucha kico ta e impacto riba S. y cu lo keda. Pa cu e castigo, Fiscal a bisa cu e ta tene cuenta cu den pasado caba Y. a abusa di S. y awor atrobe. E ta tene cuenta cu psicologo ta haya cu tin tendencia pedofile. Psicologo ta haya Y. pa un parti ta menos responsabel. Psicologo ta haya cu Y. mester di tratamento. Reclasering tambe ta haya cu Y. mester di guia intensivo. Fiscal a exige 18 luna di prison pa Y., di cual 6 luna ta condicional cu 3 aña di prueba. E castigo ta bay cu e condicion cu Y. mester cay bou guia di Reclasering durante e tempo di prueba. Fiscal tambe a exige pa prohibi cu Y. tin contacto cu S. of den sercania di S. durante e 3 aña di prueba. Pa loke ta e demanda di daño, Fiscal ta haya cu esaki no ta specifica kico realmente ta e gastonan y pesey mester declara esaki no admisibel. Sinembargo Fiscal a muestra cu mirando cu tin sentencia di Corte di Hulanda pa caso sin demanda, el a pidi pa impone pa Y. paga 2 mil florin.

ABOGADO

Abogado mr. Kuster a bisa Hues cu na 2013, Y.(72)

a wordo condena caba pa algo asina. El a muestra cu despues cu Y. a sali liber, e no a haya guia. E abogado a muestra cu Y. ta alcoholico y ta perde conocimiento. Psicologo ta haya cu Y. ta menos responsabel pa loke el a haci. Tanto psicologo como Reclasering ta haya cu e chens pa ripiti ta grandi. Abogado a bisa cu e ta comparti opinion di Fiscal cu mester declara Y. liber di a abusa di S. E ta haya cu lo ta mihor tratamiento obligatorio pa Y. y no castigo largo den prison. E abogado ta comparti opinion di Fiscal pa loke ta e demanda di daño.

HUES A CONDENA ACUSADO

Hues a pospone e caso un rato pa e bay evalua. Ora el a bolbe, el a sera tratamiento di e caso y a dicta sentencia. Hues a bisa cu e ta haya legalmente proba e acusacion subsidiario esta cu Y. a haci actonan immoral cu su nieto. Hues no ta haya proba abuso sexual. Hues a bisa cu esaki ta un caso hopi serio. No ta promer biaha cu Y. ta wordo condena pa e mesun cos. Psicologo ta muestra den raport cu pa un parti Y. no ta responsabel pero cu mester di tratamento. Reclasering tambe ta bati bel. Hues ta haya e exigencia di Fiscal na su lugar.

Un colega cu hopi cariño y detaye pa su trabou

DILANIA MATOS TA HOSPITAL SU EMPLEADO DI AÑA 2024

Na comienso di januari, tur empleado di Horacio Oduber Hospital (HOH) tabatin e oportunidad pa vota pa nan empleado di luna cu a sali durante 2024 cu segun nan, merece e tremendo reconocimiento di empleado di aña 2024.

Durante e bunita ceremonia oficial na e fiesta anual di HOH, Hunta di Directiva, manera ta custumber, a haci e conteo di 5 bay abou y manera cu a yega 1 hunto riba e pantaya y cu e pantaya a anuncia orguyosamente cu HOH su empleado di aña 2024 a resulta den persona di colega Dilaria Matos!

Dilaria tabata empleado di e luna di juli 2024 na HOH y ta traha na departamento di Hoteldienst unda cu e ta encarga cu e trbou importatante di limpieza riba sala di operacion.

Un colega hopi dedica, profesional y cu cariño y detaye pa su trabou. Dilaria ta un colega cu semper ta yega trabou feliz. E tin hopi amor pa su trabou y ta gusta loke e ta haci. E ta sumamente flexibel, colegial y ta responde lihe riba trabounan cu tin cu wordo ehecuta. E ta dedica na duna servicio di calidad y ta yega semper prome cu tempo pa percura cu e sala di operacion ta completamente limpi y cla pa wordo uza. Dilaria sigur a demostra di ta un colega ehemplar cu ta cumpli cu e lema, norma y balornan y ta bay 'the extra mile' pa yuda otro colega.

E reconocimiento impresionante aki sigur lo ta uno inolvidabel pa Dilaria y su carera! Hopi danki na tur colega cu a vota y alabes contribui na haci e celebracion aki uno cu sigur e no lo



lubida! Un anochi fabuloso unda cu tur colega a disfruta, pasa tempo hunto y gosa un rato pafo di trabou den un ambiente diferente yena di sorpresa.

Masha masha pabien Dilaria!

SPIRIT OF DISCOVERY TA HACI YAMADA HISTORICO NA ARUBA

'Barco Crucero luhoso Spirit of Discovery, opera pa Saga Cruises, a haci su yamada inaugural'

Barco Crucero luhoso Spirit of Discovery, opera pa Saga Cruises, a haci su yamada inaugural tan spera na Aruba. Manera tradicion, esaki a wordo celebra cu un ceremonia tradicional di intercambio di plakaat, cu ta marca e bishita oficial na nos dushi isla.

Durante di e ceremonia, por a conta cu presencia di Monica Bos – Cruise Manager di Aruba Tourism Authority (A.T.A.), Mario Arends – Chief Commercial Officer di Aruba Ports Authority (APA), y miembronan di Caribbean Port Agencies cu a yuda na facilita e bishita di e barco crucero.

Entrega di e plakaat conmemorativo a wordo personalmente otorga pa e Capitan di Spirit of Discovery na representantenan di tanto A.T.A. como APA. Alabes, e representantenan di Aruba a presenta nan mesun plakaat conmemorativo na e capitan como un toke di aprecio y celebracion entre socionan. E ceremonia aki ta resalta e importancia di mantene un relacion

fuerte entre lineanan crucero y e destinacion, promoviendo turismo y crea experencianan inolvidabel pa huespednan y tripulantenan di e barco crucero.

Tocante Saga Cruises

Saga Cruises, cu su cede situa den Reino Uni, ta specialisa den experencianan di biahe exclusivo pa huespednan mayor di 50 aña. Nan ta combina confortabilidad, elegancia, y servicio di nivel halto. Spirit of Discovery ta e di dos barco crucero luhoso den e flota di Saga, hunto cu su ruman Spirit of Adventure. Tur dos barco crucero ta conoci pa nan ambiente intimo, acomodacion luhoso, y programanan especificamente escogi pa destinacionan na nivel mundial. Spirit of Discovery tin capacidad di alrededor mil pasahero, cu ta garantisa un experiencia personalisa y relaha. E barco crucero aki ta destaca pa e categoria di restaurant cu e tin abordo, entretenimento mundial, y enfoke riba actividadnan eleva.



E biahe actual aki ta sali for di Reino Uni y ta crusa laman transatlantico pa drenta awanan Caribense. Prome cu e barco crucero yega Aruba, Spirit of Discovery ta cumpli cu un bishita nos isla ruman Curacao, resaltando mas ainda e bunitesa di e islanan Caribense.

E tradicion di intercambio di plakaat Ceremonia di intercambio di plakaat ta keda un tradicion maritimo cu ta marca e yamada inaugural di un barco crucero na un porta di waf. Esaki ta representa bon intencion, colaboracion, y respet mutuo entre e linea crucero y e destinacion.

E plakaatnan, cu hopi biaha ta conta cu un diseño unico, ta sirbi como un recuerdo duradero di e evento historico. E intercambio riba Spirit of Discovery ta ilustra e spirito di socionan, y ta a enfatisa e compromiso di Aruba na yama bonbini na huespednan rond mundo.

Turismo di Crucero na Aruba

Aruba ta continua na reforsa su posicion como lider den destinacion principal pa lineanan crucero den Caribe. Cu cultura vibrante, playanan marino, y cu un hospitalidad generoso, e isla ta keda un destinacin preferi entre huespednan crucero. Yamando Spirit of Discovery un bonbini, no solamente ta fortifica relacion cu Saga Cruises, pero alabes ta alinea cu e vision di Aruba di ofrece experencianan excelente pa e huespednan. Unabes cu Spirit of Discovery sali di Aruba, e ta hiba cu nan e hospitalidad generoso di nos isla y e promesa di bolbe ricibi e huespednan aki den futuro, elevando e reputacion di e Caribe como un destinacion pa bishita.

UN MINI VAN A SCAPA CHAUFFEUR DI UN NISSAN MARCH DI DAL FRONTAL RIBA E ROTONDE PONTON




Diadomingo mainta a drenta informe di un accidente na e rotonde Ponton riba E.J."Watty"

Vos, mesora a dirigi un patruya na e sitio. Na yegada di e patruya a bin compronde cu aki ta trata

di un accidente unda un Nissan March biniendo for di nort no a logra para na tempo y un Toyota minivan cu tabata bini di pariba a djies touch e mande un poco mas pabao net suficiente pa evita e impacto frontal cu tur su consecuencia.

E chauffeur a sali ileso den e accidente aki.



Prome Minister Evelyn Wever-Croes:

Den cuadro di Dia di Betico

PROME MINISTER A PASA UN RATO AMENO CU NOS GRANDINAN

"Pa mi semper ta un honor pa bishita nos dushi grandinan y gradici nan pa tur loke nan a haci pa nos dushi isla"



Diahuebs mainta Prome Minister Evelyn Wever-Croes a haci un bishita na St Michael Paviljoen pa asina den cuadro di dia di Betico pasa un rato ameno cu nosgrandinan.

Durante e mainta aki Biblioteca Nacional den persona di señora Glenda Savala a tene un bunita charla cu musica y contando e storia di nos Libertador Betico Croes.



Sigur un mainta yena di alegria pa nos grandinan cu a goza masha di e presentacion.

Prome Minister e expresa cu e mainta aki tabata uno hopi bunita, na unda su

persona por a comparti hopi di e historia di Betico cu nan. Hopi di nan conoce e storia bon mirando cu nan a biba e temporada cu Betico a lucha pa Aruba yega na su Status Aparte, y

p'esey por a comparti hopi storia di con nan conoce y tur loke nan a biba e temporada ey cun'e.

"Pa mi semper ta un honor pa bishita nos dushi grandinan y gradici nan pa tur loke nan a haci pa nos dushi isla. Ta nan ta esnan cu a construi e pais aki, cu awe nos tin privilegio di biba riba dj'e. E fecha di Dia di Betico ta uno hopi special paso e ta uni hopi hende na Aruba. esey tabata su forsa, y nos ta sigui cu su legado" Prome Minister a expresa.

ACCIDENTE HIT & RUN NA BOEGOEROEI PERO E PLACHI NUMBER A KEDA ATRAS



Diadomingo mainta a drenta informe di un accidente na Boegoeroei, mesora a dirigi un patruya na e sitio. Na yegada di e patruya a bin compronde cu un auto preto (nummerplaat laga atras) a sali for di un condominium dal un Nissan March riba e caminda y a sigui bay. Polis a coy e evidencianan cu a keda atras pa departamento di trafico bay investiga. Lo ta mihor pa esun envolvi bay warda di Balashi cerca departamento di trafico pa asina nan caba di atende



e suseso aki pa evita polis trabao pa detenebo. presenta na bo cas of

Prome Minister Evelyn Wever-Croes: Betico tawata un tata pa henter Aruba **DANKI NA YIUNAN DI BETICO PA COMPARTI BOSO TATA CU ARUBA**

ORANJESTAD— Diasabra mainta 25 di januari, Dia di Betico, den su discurso durante e Ceremonia Protocolar na Plaza Libertador G.F. Betico Croes, Prome Minister Evelyn Wever-Croes a gradici tur ciudadano di nos pais pa balora e lucha di e gran Arubiano Betico Croes specialmente ta gradici yiunan di Betico pa na un edad jong a comparti nan tata cu Aruba.

“Den su discurso na Seri Noca, un discurso cu pa hopi di nos tabata su despedida, el a dirigi su mes publicamente na su yiunan. El a bisa cu “e no ta un tata pa un hogar di mama, tata y 4 yiu, sino e ta un tata particular, un tata di henter un pais”.

Na su yiunan Guisette, Glenbert, Junior, Glendeline, nos kier bisa un biaha mas DANKI pa comparti boso tata cu nos.

Boso tata di berdad tabata un tata particular.


Nos ta spera cu e stimacion cu nos pueblo tin pa boso tata y pa boso, por duna boso consuelo ora cu bo sinti su falta”, Prome Minister a expresa.



ACCIDENTE ENTRE 2 AUTO UN TA REVERSE Y E OTRO TA BAHANDO FEY CAMINDA

Diadomingo anochi a drenta informe di un accidente riba caminda di Savaneta, mesora a dirigi un patruya na e sitio.

Na yegada di e patruya a bin compronde cu aki ta trata di un accidente unda un chauffeur ta reverse mientras e otro ta bahando caminda y nan a dal den otro. Afortunadamente ningun hende a resulta herida.



ACCIDENTE PA FALTA DI PREFERENCIA NA SCHOTLANDSTRAAT



Dialuna mainta a sitio. pa falta di preferencia Volkswagen biniendo y herida.
drenta informe di un Na yegada di e patruya unda un Hyundai Verna a dal esaki den banda. Pa un rato e trafico a
accidente, mesora a a bin compronde cu aki a bay subi e crusada Afortunadamente pega si.
dirigi un patruya na e ta trata di un accidente pero no a mira e ningun hende a resulta

ACCIDENTE 2 PICK-UP DILANTI ANYTIME NA PARADERA



Diadomingo a dreña Paradera, mesora a dirigi pa parkeer un pick-up a Afortunadamente e pero na ningun hende.
informe di 2 pick-up un patruya na e sitio. dal e otro. tabata djies un “touch”
dilanti Anytime na Durante e maniobranan pero toch tabata tin daño

PERSONA A DAL ABAO Y A FAYECE NA PALM PIER

Domingo atardi a drenta informe di cu un persona a dal abao na Palm Pier y muri, mesora a dirigi un ambulans na e sitio.

Na yegada di e ambulans a pidi mesora pa un dokter y tambe polis ya cu nan no por a haci nada mas pa e persona.

Na yegada di e polis a nota cu aki ta trata di un caso di morto natural.

Na famia di e fayecido



ta bay nos mas sincero palabranan di condolencia

SHIRMA ROUSE TA INTERPRETA POEMA DI ROSABELLE ILLES NA CLAUSURA DI FESTIVAL INTERNACIONAL “WRITERS UNLIMITED” NA HULANDA



Diadomingo atardi a tuma lug a clausura di Festival Internacional di Literatura, Writers Unlimited, den e prestigioso sala di concierto Amare na Den Haag, Hulanda. Writers Unlimited a celebra su 30 aniversario, y pa e ocasion special aki, a invita escritora Arubiano Rosabelle Illes y cantante Shirma Rouse (St. Eustasius) pa forma parti di e jubileumshow. Illes a recita su poema, “Matches”, relaciona cu e tema di e festival, “Playing with Fire”. Na su turno, Rouse a interpreta e poema di Illes titula “Laga mi Biba”, y a incorpora e clasico “Plegaria” di Oswin Chin Behilia, creando un harmonia caluroso cu a conecta tres isla □ Aruba, Korsou y St. Eustatius. Rouse a comparti su entusiasmo cu e publico como ta prome bes cu e ta canta na

Papiamento riba escenario. Illes a expresa su gran honor pa mira un di su poemanan keda selecciona pa un interpretacion asina bunita den voz di e Queen of Soul di Hulanda. E poema ta forma parti di Rosabelle su coleccion nobo cu lo wordo publica den 2025.


Durante e festival, cu a tuma lug a di 23 pa 26 di januari, Illes a presenta na varios ocasion, incluyendo, storytelling sessions hunto cu autor Sur Africano Rešoketšwe Manenzhe y studiantenan di e International Institute of Social Studies di Universidad Erasmus, un presentacion musical di su buki di mucha Curasonchi (Hartje) hunto cu co-autor Levi Silvanie (Korsou), un colaboracion unico



conhuntamente cu musico Saartje van Camp (Hulanda), combinando e poemanan di Rosabelle cu e musica di e album nobo di van Camp. “Ta un honor pa wordo invita na un evento cu ta celebra literatura den tur forma. Mi ta

regresa Aruba cu un curason hopi contento y un alma cu hopi energia,” Illes a comparti. Pa mas informacion tocante Rosabelle su trabou por bishita su pagina web: www.rosabelleilles.com

CHAUFFEUR NO A PARA PA TAXI PARA PA SUBI ROTONDE Y A BAY DAL TRAS DI DJE



Diadomingo anochi a
drenta informe di un
accidente na e rotonde
Sasaki, mesora a dirigi
un patruya na e sitio.
Na yegada di e patruya
a bin compronde cu aki
ta trata di
un accidente unda cu e
chauffeur di un Honda
a bay dal tras di un
taxi cu tabata para ta
warda turno pa subi e
rotonde y esaki a dal
tras di e Taxi causando
basta daño na e taxi.
Afortunadamente
ningun hende a resulta
herida.

CHAUFFEUR NO A REGULA SU VELOCIDAD NI MANTENE DISTANCIA A BAY DAL TRAS DI AUTO NA ROOI BOSAL



Diadomingo anochi a
drenta informe di un
accidente na Rooi Bosal,
mesora a dirigi un
patruya na e sitio.
Na yegada di e patruya a
bin compronde cu aki ta
trata di un accidente unda
un chauffeur no a regula
su velocidad ni mantene
distancia a bay dal tras
di e auto su dilanti.
Afortunadamente
ningun hende a resulta
herida.

Clasificados





SOLODIPUEBLO@GMAIL.COM
CEL. 585 9500



BECA NA MERCA PA ATLETA DI VOLLEYBALL

VLADIMIR SOLOVEY BRITO



deporte aki. Vladimir a cuminsa entrena na un organisacion di volleyball na San Nicolas y aki el a realisa cu volleyball ta su deporte y cu hopi dedicacion y sacrificio el a yega na e nivel pa e por a haya un scholarship na Merca.

Vladimir ta hopi orguyoso cu e ta e prome integrante internacional cu lo ta parti di e team di volleyball di Defiance College.

Ta remarcabel cu un atleta den 3 aña di tempo a desaroya su mes cu awe e por a firma un contrato. Vladimir ta menciona un par di factornan interesante cu a yude logra su meta. Na prome lugar e tabatin e sosten incondicional di su mayornan. Nan a kere den dje, nan a stimule y a dedica tempo pa apoye logra su soño. E di 2 aspecto cu e ta menciona ta e organisacion di “Volleybal Positivo” y su entrenador sr. Percy Phelipa cu a dune tur e posibilidadnan pa e crese y cu a dedica tempo na dje pa e por a domina tur aspecto di e deporte. Di 3 aspecto tabata su meta, e disciplina y su determinacion. E no tabata falta ningun entrenamiento y cada dia e

kier a bira mihor.

Entrenador sr. Phelipa a duna di conoce cu Vladimir ta un atleta talentoso cu enorme dedicacion pa e deporte. Pero tambe un atleta cu tin tur habilidad pa realisa su soño. Un atleta cu compromiso, responsabilidad y tambe ta dispuesto pa sinja.

Vladimir a termina y a bisa cu ta importante como

atleta pa bo ta humilde y no compara bo mes cu otro atletanan. Tur atleta tin nan talento y nan mester busca e caminda pa desaroya e talento cu nan tin.

Directiva di Aruba Volleyball Association y tur su miembronan ta desea Vladimir tur clase di exito den su estudio y su carera deportivo. Pabien Vladimir!

E hoben atleta di 18 aña Vladimir Solovey Brito a mira su soño bira realidad ora cu el a firma contracto na Estado di OHIO (Merca) cu Defiance College. Vladimir Solovey Brito ta un hoben cu talento, disciplina y cu hopi determinacion.

. Den combersacion cu su mayornan nan a duna di conoce cu for di un edad hopi jong Vladimir tabata gusta deporte y a practica varios deporte. Pa un periodo largo Vladimir a practica e deporte di Taekwondo na unda Vladimir a haya su Faha Preto. E deporte aki a siñe

determinacion, disciplina y a dune fortaleza fisico.

Vladimir a termina su estudio aki na Aruba (HAVO) y el a opta pa continua cu su estudio na Merca (Computer Science) pero semper cu e vision cu e kier continua den su deporte di volleyball cu tanto e ta stima.

Interes pa Volleybal a lanta ora Vladimir a sera conoci cu volleyball na scol den un programa cu Aruba Volleyball Association ta presenta na scolnan. Su interes tabata asina grandi cu mesora el a cuminsa desaroya su mes den e

Clasificados

SOLODIPUEBLO@GMAIL.COM
CEL. 585 9500

Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com
Resultado: Sorteo di Merdia - January 27, 2025

CATOCCHI Sorteo # 4519 5118 2407 3909 MULTI-X X3 BIG 4 Sorteo # 4519 9943 MULTI-X FP OFF Sorteo # 2575 2771 ZODIAC Sorteo # 4519 6368 Acuario LUCKY 3 Sorteo # 1393 818 MULTI-X FP	LOTTO 5 Sorteo # 0 x Jackpot 0 x Match 4+ 0 x Match 4 0 x Afl. 12,00 240.000,-	LOTTO DIA Sorteo # 0 x Jackpot 0 x Match 4 0 x Afl. 8,00 53.000,-	MEGA Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00 800.000,- Afl. 1.250.000,-	KORSOU Sorteo #
--	--	--	---	-------------------------------

FORTALEZA PA FAMILIA

Scirbi Pa Pastor Marcel Balootje.

ALERTA:

TENE CIUDAO CU E SPIRITO DI ANTI-CRISTO

Hopi hende ta kere ta un wega, of un forma di broma, pa forma parti di un organisacion, of grupo cu ta rechasa Cristo, tin hopi no sa e peliger, tin hopi ta actua manera ta un grupo special nan ta, cu hopi derechi, pa bay contra Palabra di Dios, pero locual nan ta lubida ta cu ta para scirbi cu esun cu rechasa Mi aki tera, lo wordo rechasa pa mi Tata cu ta den cielo, asina Hesus a bisa. Pasobra tur hende mester sa cu bo no por bisa bo conoce y stima Hesus, y cu bo bida, y bo actitud, bo ta bay contra Su Palabra.

Tin hende no kier kere cu algo ta malo, te ora nan mira e consecuencia, pero di berdad e palabra di Dios ta adverti nos tocante esey, pasobra ora bo ta den un grupo of organisacion asina, bo ta haci manera

e hobennan cu ta de geng, cu tin forza ora nan ta hunto, pero hopi ta lubida cu cada un mester duna cuenta personalmente na Dios.

E spirito di anticristo ta wordo revela den tur cos cu ta contra e palabra di Dios, y tur locual no kier somete na Dios, tur locual ta rechasa e grandesa di Dios, den un palabra bisa, tur locual ta orguyo arogancia, rebeldia, inmoralidad, abominacion, mentira y trosemento di Palabra di Dios ta carga e seyo di anti-cristo.

Tur caminda cu e palabra di Dios no ta wordo permiti pa predica, ta carga e seyo di anti-cristo, pasobra hopi ta kere cu ora nan no permiti esey, ta hende nan ta rechasa, pero ta net contrario ta

Dios mes nan ta rechasa.

Den 1 Juan 4:1-3 ta para scirbi; Rumannan, no kere tur spirito, ma pone e spiritonan na prueba, pa mira si nan ta bini di Dios, pasobra hopi profeta falso a sali den mundo. Na esaki, boso ta conoce e Spirito di Dios: tur spirito cu ta confesa, cu Hesus Cristo a bin den carni, ta bin di Dios, y tur spirito cu no ta confesa Hesus no ta di Dios, y esaki ta e spirito di anti-cristo di cual boso a tende cu e ta bin y awor ta den mundo caba.

Mescos cu un hende cu ta bay un fiesta, sin sa de que se trata, y ora e ta den

e fiesta e ta puntra ta con bini mi aki den, asina e spirito di anti-cristo ta tuma control di mente y curpa di hende y hinca nan den scuridad profundo, caminda nan ta bira ciego pa capricho y asina lubida e boluntad di Dios.

Aunke gobiernonan mundialmente por apoya y legalisa nan hechonan cu ta bay contra e palabra di Dios, esey no ta legalisa nan comportacion y actitud dilanti di Dios, pasobra Hesus a bisa esun cu no ta cumi ta contra mi, laga nos tene bon cuenta cu esey. Pasobra ningun hende por haci bofon, di Dios tur locual hende sembra nan lo cosecha.

Yuinan ta e ultimo ora: Y mescos cu boso a tende cu e anti-cristo ta bini, asina awor caba hopi anti-cristo a lanta: na esaki nos ta sa cu ta e ultimo ora. Nan a sali for di nos, ma nan no tabata realmente di nos, pasobra si nan tabata di nos, nan lo akeda cerca nos, ma nan a sali bay, pa sali na cla cu nan tur no ta di nos. (1 Juan 2:18-19).

2 Timoteo 3:5 ta bisa; Cu tin apariencia di ta religioso berde, ma cu ta nenga su poder, evita e sorto di hendenan aki.

Sinceramente, Pastor Marcel Balootje.

Oracion di dia

Un feliz dia bendiciona yena cu gracia di Dios

"Lo Bo ta sacerdote pa semper na e mesun manera cu Melkisedec." (Hebreunan 7, 17b)

Ruman aki nos ta mira Hesus cu e titulo Sacerdote/Rey di Husticia pa semper, bunita titulo pa Hesus aunke Hesus no mester di ningun introduccion of titulo paso E ta Dios y Dios ta Amor. Asina mes den Hesus nos por experencia Amor, E Amor Unico cu nos tur ta anhela consciente y inconscientemente nos tur ta anhela di experencia E Amor di Dios.

Ta dificil pa esey sosode? Ta bon pa nos sa cu tur cos ta depende di con habri nos curason ta pa Hesus y con nos ta permiti Spirito Santo move den nos.

Diadomingo nos a scucha cu nos tin e donnan y awor ta keda nos nada mas cu resa y pidi Spirito Santo habri nos curason pa nos experencia y pone e donnan den practica y asina acepta y cumpli cu Dios su boluntad den nos bida y nos biba!

Oracion: Hesus mare nos tur por reconoce cu Abo ta nos Rey di Husticia y acerca Bo curason misericordioso pa nos salvacion.

Amen

Paga bo cuenta online ta facil

Sea
Abonnement
of Aviso

Pago online,
facil y lihe

SOLO
Di Pueblo

Pa hasi pago online pone number y adres na
cuenta di banco RBC Sunmax Printing
account # 7700000100152447


Hallo baby!

SUDOKU

Boekstart ta presenta un maletin nobo pa baby cu bukinan nobo y informacion actualisa. Biblioneef, e instancia Hulandes cu ta e motor tras di e proyecto aki a traha riba un tour riba e islanan di Caribe Hulandes pa promove esaki. E tour a start na islariba pasa Boneiro y Corsou y lo finalisa na Aruba. E evento a haya e nomber ‘Hallo baby! Escritora y ilustradora di buki pa mucha, Mylo Freeman a skirbi e buki “Hallo Baby!” y ta presenta e lansamento di e proyecto. Esaki ta tuma lugar den Seccion hubenil di Biblioteca Nacional Aruba, dialuna dia 10 di februari di 10or pa 12or. Biblioteca ta invita tur baby na Aruba di 0 pa 2 aña pa bin cu nan mayor(nan) pa e presentacion tan special aki.

Mylo Freeman ta na Aruba pa promociona e proyecto Boekstart na Aruba pa un siman largo. Mylo ta bishita diferente scol pa peuter y creche pa conta storia y ta duna workshop na biblioteca. Tur esaki den siman di dialuna pa diabierna, dia 10 pa dia 14 di februari 2025. Den e maletin di Boekstart tin buki di Mylo Freeman na Hulandes y traduci na Papiamentu y Ingles como tambe un buki di paña, special pa e chikitin. Pues bukinan pa tur baby na Aruba.

Presentacion di ‘Hallo baby’ ta un di e actividadnan cu ta dirigi riba promocion di lesamento cerca baby y nan mayor. Lesa den idioma materno ta hopi importante pa e desaroyo di idioma. Pa e presentacion aki Mylo Freeman lo haci uso di un Kamishibai pa conta



storia. E ta duna mayor tips y conseho con pa lesa hunto cu nan baby y con pa encurasha nan yiu pa lesa. Na final tur baby lo ricibi e maletin cu buki como regalo y na mes momento e mayor por haci uzo di e oportunidad pa registra e

baby pa bira miembro di biblioteca

Esaki ta un proyecto special di Boekstart y Biblioneef, subsidia pa Nederlands Letterenfonds. Por registra pa esaki cerca Gina # 528 1504 of email curso@bna.aw



	3		2		9		7	
9			4	1	3			8
		1		7		3		
7	1			4			9	5
	8	6	9		7	4	3	
5	9			2			8	7
		8		6		9		
6			1	3	2			4
	4		8		5		6	

		6	7		4	9		
	5			6			8	
2								5
3								1
1								2
	8						3	
		7				6		
			3		9			
				8				

	7			6				9
6			5				8	
		4				7		
	3				6			
2				5				8
			4				1	
		3				4		
	2				7			3
1				8			2	

TURISTA DI AIR B & B A LEPIA NA SU TELEFON Y A BAY STRET DAL RIBA CURA DI CAS NA ALTO VISTA



accidente na Alto Vista, mesora a dirigi un patruya na e sitio. Na yegada di e patruya a bin compronde cu un auto a bay dal riba un cura di un cas y a core bay bek na un poco mas pariba despues di a dal e cura di e cas.



Diadomingo atardi a drenta informe di un

SUSHEDAD ACUMULA PAZUID DI PACIFICO DAKOTA ATROBE NA CANDELA SERLIMAR HACI COS LIMPI!



Diadomingo mainta a drenta informe di un candela cu huma ta molestia habitantenan di e casnan banda pabao, mesora a dirigi un patruya

na e sitio. Na yegada di e patruya a bin descubri cu aki ta trata di un acumulacion di sushi cu atrobe lo a ser sendi pa hendenan irresponsabel cual lo percursa pa caba cu e capa di ozone cual ta percursa pa nos mundo



no calenta. Na yegada di bomberonan mesora nan a paga esaki.